



CONVENIO DE COLABORACIÓN ENTRE O CONCELLO DO CARBALLIÑO E A AA.VV DE SEOANE PARA ESTABLECER AS CONDICIÓNS E COMPROMISOS APLICABLES Á SUBVENCIÓN NOMINATIVA PARA ARRANXO E REHABILITACIÓN DO FORNO (PARA RECONVERTILO EN LOCAL SOCIAL) ASÍ COMA DO CABACEIRO E DA FONTE-LAVADOIRO NO LUGAR DE MOURIZ.

O Carballiño, na data da sinatura dixital

REUNIDOS

Dunha parte **don Francisco José Fumega Piñeiro**, alcalde presidente, en funcións, do Concello do Carballiño (Ourense) exceptuado de sinalar as súas circunstancias persoais por razón do cargo que ocupa, actuando en nome e representación deste.

E doutra, **don Iago Rosón González**, en representación da entidade **AA.VV da parroquia de Seoane**, con CIF: G32453342 que actúa en nome e representación desta.

MANIFESTAN

I. Que a asociación ten entre os seus obxectivos coidar e velar polo patrimonio do lugar e así mesmo ofrecer un lugar onde a veciñanza se poida reunir e desenvolver actividades tanto de ocio coma outras relacionadas co benestar e en beneficio da comunidade veciñal do lugar de Mouriz.

II. Que o concello considera que o labor que realiza a asociación constitúe unha acción de interese para a veciñanza do citado lugar e que cumpre unha importante función social para esta.

III. Que é de interese público, xa que afecta a toda a veciñanza que vive ou ten propiedades e casa no lugar.

IV. Que a Lei 7/1985, de 2 de abril, reguladora das bases de réxime local e a Lei 5/1997, de 22 de xullo, da administración local de Galicia, posibilitan nos seus artigos 25 e 80 respectivamente, as funcións de promoción e estímulo de accións de interese para a veciñanza.

V. As axudas económicas e as subvencións forman parte das accións das que a Administración Local pode facer uso co fin de promover e apoiar proxectos de interese público, que contribúan á satisfacción de necesidades ou intereses propios da comunidade veciñal. É, en definitiva, unha medida de carácter económico tendente a que sexa a propia cidadanía da comunidade local, de xeito individual ou asociado, a que libremente colabore co cumprimento de fins colectivos convenientes ou desexables e non dispoñan de recursos suficientes para levar a cabo as accións de que se trate.

A Asociación de Veciños da Parroquia de Seoane está inscrita no Rexistro municipal de asociación

VI. Que con data do 18 de maio saíu publicada no BOP da provincia a aprobación definitiva da modificación de crédito na súa modalidade de crédito extraordinario e suplementos de crédito (MC/CESC/01/2023) onde se contemplaba unha modificación das Bases de Execución do Orzamento do exercicio 2023 (prorrogado de 2022) e se prevé unha subvención nominativa para :

Aplicación orzamentaria	Entidade beneficiaria	Importe
414.11.780.01	AA.VV da parroquia de Seoane, con CIF: G32453342	42 000 €





VII. Que a Lei 38/2003, de 17 de novembro, xeral de subvencións (LXS), dispón no seu artigo 22.2 que poderán concederse de forma directa as subvencións previstas nominativamente nos orzamentos xerais do Estado, das Comunidades Autónomas ou das entidades locais, nos termos recollidos nos convenios e na normativa reguladora destas subvencións; e, no artigo 28, establécese que os convenios serán o instrumento habitual para canalizar estas subvencións.

VIII. Que o RD. 887/2006, de 21 de xullo, polo que se aproba o regulamento da Lei xeral de subvencións, no seu artigo 66, prevé que nestes supostos o acto de concesión ou convenio terán o carácter de bases reguladoras da concesión para os efectos do establecido na LXS, e determina o contido deste.

Así pois, de conformidade co establecido nas citadas disposicións, ambas as partes acordan subscribir o presente CONVENIO DE COLABORACIÓN, o cal se rexerá polas seguintes:

CLÁUSULAS

1. Obxecto do convenio.

O presente convenio formalízase co obxecto de sufragar os gastos derivados da rehabilitación do forno do pobo de Mouriz para convertilo en local social así como restaurar o cabaceiro e a fonte- lavadoiro

2. Contía e crédito orzamentario.

A contía máxima da subvención ascende a 42 000 euros, que é o importe total do crédito orzamentario autorizado. O devandito crédito do capítulo 7 “Transferencias de capital” do programa 414.11 polo que non poderán aplicarse os fondos a gastos de distinta natureza e finalidade á que é propia dos gastos imputables ao devandito crédito.

Dita contía total (100%) da subvención outorgada impútase ao exercicio económico de 2023.

A contía da subvención consistirá nunha porcentaxe do orzamento do proxecto presentado, podendo acadar, como máximo, o 100% do custo total do proxecto. O beneficiario non poderá obter importe superior a 42.000,00 € para o conxunto do proxecto que presente.

3. Duración

Este acordo contempla a execución da citada obra con data límite do 30 de novembro de 2023.

4. Compatibilidade con outras subvencións.

As subvencións serán compatibles con outras subvencións, axudas, ingresos ou recursos para a mesma finalidade, procedentes de calquera Administracións ou entes públicos ou privados, nacionais, da Unión Europea ou de organismos internacionais, sen prexuízo do que puidese establecer a normativa reguladora das devanditas subvencións ou axudas, sempre e cando o importe da subvención concedida non sexa en ningún caso de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

En ningún caso será compatible con outras subvencións de concorrencia competitiva procedente do Concello do Carballiño.

5. Obrigas xerais da entidade beneficiaria.

A entidade beneficiaria comprométese a:

56,14A. Cumprir o obxectivo, executar o proxecto, realizar a obra ou adoptar o comportamento que fundamenta a concesión das subvencións.

B. Xustificar ante o órgano que concede a subvención o cumprimento dos requisitos e condicións, así como a realización da obra e o cumprimento da finalidade que determinen a concesión ou goce de dita subvención.

C. Someterse ás actuacións de comprobación, a efectuar polo órgano que concede a subvención, así como a calquera outra de comprobación e control financeiro que poidan realizar os órganos de control competentes, tanto nacionais como comunitarios, achegando canta información lle sexa requirida no exercicio das actuacións anteriores.





D. Comunicarlle ao órgano que concede a subvención ou á entidade colaboradora a obtención doutras subvencións, axudas, ingresos ou recursos que financien a obra subvencionada. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.

E. Acreditar, con anterioridade a ditarse a proposta de resolución de concesión, que se atopa ao corrente no cumprimento das súas obrigacións tributarias e fronte á Seguridade Social, na forma que se determine regulamentariamente. O concello comprobará de oficio que a Comunidade non ten débedas pendentes coa facenda local.

F. Dispor dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cantos estados contables e rexistros específicos sexan esixidos polas bases reguladoras das subvencións, coa finalidade de garantir o adecuado exercicio das facultades de comprobación e control.

G. Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

H. Manter coordinación permanente co Concello do Carballiño.

I. De realizarse difusión do proxecto, en calquera soporte, deberá quedar constancia da existencia de financiamento do Concello do Carballiño quedando exentos en caso de que a inversión se realizase con data anterior a sinatura do convenio. A non xustificación da publicidade, de ser o caso, suporá unha minoración da subvención do 5% da axuda concedida.

Así mesmo a entidade responsabilízase de:

- realizar a obra que fundamenta o presente convenio.
- contar cos medios persoais e materiais adecuados para o cumprimento dos fins citados
- velar polo cumprimento dos dereitos e obrigas que as leis lles confirman aos/ás beneficiarios/as do proxecto, debendo realizar unha evolución do proxecto e da obra.

6. Gastos subvencionables.

1. Consideraranse gastos subvencionables aqueles que sen dúbida ningunha respondan á natureza do proxecto subvencionado e se realicen no prazo establecido no presente convenio.

Á vista do proxecto presentado pola entidade beneficiaria, o importe do gasto subvencionable ascende a **41.999,10 €**.

2. O tipo de gasto subvencionable será o relacionado co obxecto detallado na cláusula 1ª

En ningún caso o custo de adquisición dos gastos subvencionables poderá ser superior ao valor de mercado.

Considerarase gasto realizado o que foi efectivamente pagado entre o 1 de xaneiro de 2023 e o 30 de novembro de 2023 (data de finalización do período de xustificación determinado no presente convenio), a excepción de que a entidade se acolla ao recollido na cláusula 7 b) parágrafo 2º do punto 5.

7. Xustificación da subvención.

De acordo co artigo 30 da LXS, a rendición da conta xustificativa constitúe un acto obrigatorio que deberá comprender:

a. instancia subscrita polo presidente da Asociación de Veciños da Parroquia de Seoane na que solicite o pagamento da subvención no número de conta corrente indicada na solicitude;

b. presentación da conta xustificativa, que comprenderá:

- memoria detallada que inclúa declaración da actividade realizada, financiada coa subvención e o seu custo;
- proxecto e licenza de obra
- de ser o caso, un exemplar de toda a documentación impresa xerada pola actividade que acredite a participación do Concello do Carballiño.;
- relación desagregada de cada un dos gastos realizados con motivo da actividade subvencionada, distinguindo entre gasto total e gasto subvencionable, con identificación do acredor e do documento, concepto, importe e data de emisión;
- presentación de facturas ou demais documentos de valor probatorio equivalentes, con





validez no tráfico mercantil ou laboral (TCS, cartas de pago, etc.);

- pagamento a terceiros, que deberá realizarse dentro do prazo de xustificación recollido no punto d) desta cláusula, poderase acreditar mediante un documento expedido pola entidade financeira no que quede identificado/ o/a beneficiario/a, o importe e a data de pagamento (cartóns bancarios de crédito ou débito, talóns nominativos, transferencias bancarias, cheques, etc.); e só excepcionalmente poderán utilizar o pago en metálico en cuxo caso, no documento, deberán constar o selo de pagado, selo do provedor debidamente asinado, con nome, apelidos e DNI da persoa que recibiu o pagamento. En ningún caso, os pagos en metálico poderán exceder de 300 € por provedor e de 1.000 € en cómputo global da subvención outorgada.

Excepcionalmente, no caso de que a entidade non dispoña de recursos económicos suficientes para realizar os pagos antes da xustificación, e previa declaración responsable para tal efecto, non será preciso acreditar o pagamento na presentación da conta xustificativa, concedéndolle un prazo a partir da recepción dos fondos para acreditar o pago das facturas.

Non obstante, no exercicio das súas facultades de control financeiro, a Intervención municipal poderá realizar procedementos de control, consistentes en esixir, a partir do mes seguinte ao do pagamento da subvención a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do/a beneficiario/a.

- declaración xurada do beneficiario que acredite que as facturas que se presentan como xustificantes foron aplicadas á actividade subvencionada.
- relación desagregada de todos os ingresos que financian a obra (fondos propios, subvención concedida e outras subvencións). Tamén deberá acreditarse o seu importe, procedencia e aplicación ás actividades subvencionadas.
- certificacións de estar ao corrente das súas obrigas fiscais coa Facenda estatal e autonómica, así como coa Seguridade Social. O concello comprobará de oficio que a entidade está ao corrente das súas obrigas tributarias coa facenda local.
- certificación do número de conta expedida pola entidade financeira correspondente.

c. os gastos xustificados teñen que ser iguais ou superiores ao importe do custo total do proxecto presentado por 41.999,10 €; no suposto en que só se xustifique unha contía inferior, a subvención reducirase proporcionalmente. A subvención representa o 100 % do orzamento total do proxecto presentado.

d. o prazo para presentar a documentación xustificativa será ata o día 30 de novembro de 2023.

8. Forma de pago.

A entidade beneficiaria poderá solicitar un anticipo do 100% do importe da subvención que será efectivo unha vez aprobado, asinado e publicado o convenio na Base Nacional de Subvencións (BDNS). Na solicitude debe constar o número de conta onde se realizará o ingreso e acreditar que a asociación está ao corrente das obrigas tributarias e coa seguridade social. No caso de non solicitar anticipo, abonarase trala correcta presentación da conta xustificativa tal e como se indica na cláusula 7 do convenio.

En ningún caso se poderán imputar gastos dun exercicio diferente ao subvencionable (exercicio 2023) ou que os gastos non sexan suficiente para xustificar o importe da subvención concedida.

9. Infraccións e sancións

En materia de infraccións e sancións estarase ao disposto no Capítulo IX da Ordenanza fiscal reguladora de subvencións do Concello do Carballiño (BOP núm. 49, do 2 de marzo de 2015)

10. Entrada en vigor e prazo de vixencia.

O presente convenio entrará en vigor unha vez aprobado polo órgano municipal competente e subscrito polas partes, mantendo a súa vixencia durante o exercicio 2023.

En todo o non contemplado neste convenio estarase ao disposto na LXS e restante normativa de aplicación.

Así o conveñen as partes e en proba de conformidade con canto antecede asinan o presente documento por triplicado en lugar e data ao principio indicados.





Documento asinado electronicamente á marxe

